

佛出世號曰成義意如來應供正徧知明行足善逝世間解無上士調御丈夫天人師佛世尊爾時有大國王名曰發光主閻浮提其地廣闊一萬六千由旬其中州城數滿二萬其發光王所居城邑名曰寶光其城東西長十二由旬南北闊七由旬城有七重七寶所

十末

作彼王善行八正之道種族豪盛有千俱胝其國人民壽十俱胝歲王有太子名曰福光諸根具足色相端嚴殊妙第一太子生時有一寶藏從地湧出內有一藏現王殿前滿中七寶高七人量復令一切衆生所作如意乃至禁縛之者俱得解脫又彼太子生得七日

一切伎藝工巧美術皆悉明了乃至世出世間一切事業無不通解於夜分中有淨光天子來為說法告太子言福光諦聽汝須息心不應散亂於諸塵境常當遠離晝夜思惟有為之法當觀無常壽命盡時誰是救者於諸非法而生怖畏

佛說護國尊者所問大乘經卷第二 冠

陷成字赦反女板繁反出碑饜反味慈熊青樵頑瑤

二經同卷

冠十一

佛說護國尊者所問大乘經卷第三

佛說護國尊者所問大乘經卷第四

佛說護國尊者所問大乘經卷第三

西天譯經三藏朝散大夫諡鴻臚卿傳法大師施護奉詔譯

亦時淨光天子而說頌曰

太子汝當知 莫著於迷醉 於此嶮難中

勤求於出離 如佛所說言 若離迷醉者

此人大勇猛 善行於律儀 清淨無瑕穢

所見諸衆生 心生慈愍行 成佛當不久

過去一切佛 現在及未來 皆從衆善生

遠離貪瞋癡 飲食及衣服 金銀摩尼寶

乙

種種莊嚴具	捨施利衆生	廣歷俱胝劫
一心求菩提	未曾有疲懈	或捨於身分
頭目手足等	於彼求乞人	心生大歡喜
以此積功德	而成佛菩提	設處國王位
豪貴而最上	美女及眷屬	晝夜常圍遶
宮殿及國城	悉皆如幻化	譬如坏器等
陽焰水沫泡	其體不堅牢	非實非久住
如是無常法	虛妄汝當知	父母與妻男
誰能相救濟	所作善惡業	是人隨業行
如是無數劫	常沉生死海	亦如無目人
於境而不了	虛受於勤勞	終墮嶮惡趣
菩提最上路	勇猛精進行	乃至於命終
不生三惡道	佛世人難值	正法難得聞
降伏煩惱怨	親近於善友	恒修八正道
安住菩提心	不退於佛道	如是行方便
世間無有上	過去一切佛	捨離於親愛
常處於深山	正念自思惟	堅固如金剛
志求無上道		

爾時佛告尊者護國言淨光天子說此頌已
彼福光太子年至十歲智慧明達而無戲論
於世所有園林華卉流泉浴池歌舞作樂而
不愛著乃至國城官殿象馬車乘金銀財寶
一切所欲之事悉皆遠離一心思惟我身虛
幻四大假合無有堅實大地諸天悉非究竟
凡夫衆生常行非法愚癡迷惑分別親疎耽
著欲樂無有厭足永處輪迴無解脫時我於
如是愚迷人中而乃受生作是念已志意繫
心專求解脫

爾時世尊復告尊者護國言彼發光王為其
太子選擇最上淨妙福地建置一城名曰愛

樂其城七重於其城中有七百街道純以七
寶鈴鐸真珠羅網徧覆其上復有六十衆寶
幢蓋八萬寶幢於諸街巷次第行布一一寶
幢有六萬寶索一一寶索有十四俱胝樂器
如是樂器微風吹動出妙音聲如百千天樂
又於此城街巷衢路處處各住五百童女是

諸童女身相端嚴顏貌和悅於諸音樂歌舞作唱一切悉能時發光王勅告之曰今諸童女晝夜作樂不得間斷所有四方一切人民來入此城見斯音樂快樂之事奔聚看翫令其太子心生樂著又復王言所有衆生求飲食者施以飲食求衣服者施以衣服求華鬘塗香者施以華鬘塗香求牀榻卧具者施以牀榻卧具乃至以金銀摩尼磲磔碼瑙珊瑚真珠吠瑠璃等如是諸寶處處堆積復有象馬車乘皆以衆寶種種莊嚴令一切衆生隨意受用

爾時發光王復爲太子於此城中修建一宮

廣一由旬造四門樓戶牖軒窻皆以七寶種種莊嚴於此宮中置一大殿用百千珍寶周帀莊較於殿中間安四俱胝衆寶牀榻及以卧具復於城中置一大園華果樹木其數甚多蒼蔚開敷世所希有於其中間排一切寶樹光明照耀無不愛樂又於園中有七寶池

第一

三

於池四邊有四界道四寶所成所謂金銀吠瑠璃玻璃瓔於池周帀置一百八師子口水從彼入復置一百八師子口水從彼出其中復生鉢訥摩華烏怛鉢擺華俱母那華奔拏哩迦華等種種名華恒時開敷於池周帀復有八百寶樹一一寶樹各懸寶索一一索上有俱胝數樂器微風吹動出妙音聲令諸衆生聞者愛樂復次寶樹懸掛八十百千珍寶妙幡又於池上置大寶網而以為蓋覆太子身令離塵塗

爾時發光王復令殿內以其七寶造四俱胝寶座一一寶座各以五百上妙之衣敷於座上於其中間置一大座高七人量以八十俱胝上妙寶衣敷設其上此是福光太子所登之座於諸座前各置香爐純金所成於爐周帀懸金鈴鐸及金蓮華摩尼寶網四面嚴飾光明照耀晝夜三時恒爇沉香及散妙華復於園內有九十九百千摩尼寶一一摩尼寶

廣一由旬有大光明照一切世界

爾時世尊復告護國言福光太子園苑之內有種種飛鳥鸚鵡鵪鶉鴛鴦鵝鴨孔雀舍利俱枳羅鳥俱拏羅鳥迦陵頻伽命命鳥等如是衆鳥俱善人言每群飛時作微妙聲如衆音樂而無有異亦如天帝歡喜之園令諸天

人受妙快樂彼發光天子復爲太子修饌上味飲食逐日供給五百千車復令使命於諸城邑聚落選取童女年十六歲至二十歲者色相端嚴諸根具足不長不短不肥不瘦不白不黑身出白檀香口出優鉢羅華香言詞美善心意純直而無妬忌善解博弄歌舞戲

樂乃至一切世間功巧伎藝無不悉解如是童女得八十俱胝來入王城

爾時發光天子以此八十俱胝童女賜於太子王自宮中所有童女復賜一俱胝王諸親眷亦以一俱胝童女奉上太子宰輔重臣亦以一俱胝童女奉上太子國城庶民亦以一

釋一

四

俱胝童女奉上太子如是八十四俱胝童女俱令侍從承事及歌舞作樂悅樂太子

佛告尊者護國言爾時福光太子見是事已於其國城宮殿樓閣園林池沼象馬珍寶及諸童女歌舞唱妓種種作樂之事都不愛著而自思惟此諸女等於我身分爲大惡友斷

我善根增諸煩惱常處輪迴無有自在譬如有人處於禁縛終不能出爾時太子見此過失於十年中於色聲香味觸五塵諸境而不愛著一心思惟諸惡友衆云何捨離而自修行得其解脫作是念已彼諸童女即詣王宮白父王言其福光太子於諸妹女戲樂歌舞

都不顧視獨坐思惟遠離聲色爾時發光天王聞是事已心忽驚愕怪未曾有即時統領八萬小王及諸臣從來入太子所任官中見彼太子孤處宮殿儀貌寂然涕淚悲泣心大苦惱迷悶躡地良久乃蘇從地而起即說頌曰子爲最上寶 云何不觀我 憂惱心惶亂

云何捨所愛 種種富樂事 此城妙莊嚴

象寶為嚴飾 宮殿妙樓閣 園林及浴池

而以供給之 衣服及飲饌 如是無量數

端正廣莊嚴 復有諸童女 容顏甚奇妙

通達諸技藝 如彼天女相 心性善純直

所為適悅汝 冠十一 歌舞及音樂 人間無有比

於斯而捨離 獨處於深宮 云何無所著

令諸童女等 各各懷憂惱 如彼蓮華萎

俱來而白我 太子汝當知 如是諸童女

端正俱年少 口出優鉢香 身有栴檀氣

兩目紺如蓮 善知人心意 令於晝夜中

親近作戲樂 今汝正是時 於此而厭棄

於汝意云何 為我速宣說 又向園林中

安置摩尼寶 九十九百千 各廣一由旬

光明普照耀 寶樹懸寶播 其數有八萬

華果皆茂盛 具有眾飛鳥 孔雀及鵝鴨

迦陵頻迦等 皆出微妙音 復於諸樹間

各垂於寶索 一一寶索中 皆有妙樂器

微風吹動時 出於妙音聲 清響如天樂

云何而不戀 又此諸宮殿 皆以眾寶成

金銀摩尼珠 碑礫與碼礧 琉璃真珠等

莊嚴甚微妙 於此寶殿中 安置金香爐

四面垂珠網 俱胝細妙衣 以用莊嚴上

晝夜三時中 長焚栴檀香 如彼天帝宮

善法堂無異 汝今不愛樂 違背於父母

都無孝敬心 令我增苦惱 言已而悲泣

為我速宣說 太子見所問 誓首白父王

世間五欲境 墜墮於眾生 纏縛於有情

增長大過失 永處於輪迴 無有得出離

我今求解脫 發大菩提心 遠離諸塵染

一切女人身 眾惡不淨本 我觀如怨家

貪瞋鎮相隨 流浪於生死 牽繫諸眾生

常處大嶮路 又此女色相 皮膚裹不淨

血肉與骨髓 腸胃大小便 唾淚涕唾等

如是穢惡身 云何令愛樂 譬如毒藥樹

開華衆所愛 採華毒入身 不覺殞其命
國城與宮殿 音樂及歌舞 究竟不堅牢
如夢如幻化 亦如春樹木 滋茂葉芬芳
纔至冬月時 凋落悉枯悴 女人及富饒
不义亦如是 愚癡狂亂心 常沒貪欲海
關諍起憎嫉 互相行殺害 父王及眷屬

釋十一

六

妻子并男女 於彼惡趣中 誰能行救濟
菩薩大智人 身心常寂靜 觀彼如草木
不動如須彌 常樂處深山 一心求正道
浮世不义住 如山水急流 人命若浮雲
須臾即散滅 墜墮三有中 迷沒於生死
我不著愚迷 遠離於虛妄 色聲五欲塵

非是菩薩境 福盡無福生 業盡復生業
如鳥禁籠中 長不得自在 六塵如毒蛇
損惱於衆生 四大不堅實 猶如空聚落
父王今當知 速捨虛妄境 歸趣真解脫
常運妙法船 度脫於三有 迷者令覺悟
禁縛得解脫 患苦使獲安 盲者與開目

貧窮賜珍財 悉令離憂苦 復為衆有情
枯竭貪愛河 照燭黑暗路 廣布於雲雷
降淫甘露雨 除熱得清涼 成就最上智
父王今當知 何人懷慈忍 而欲作怨家
何人具智慧 怖見佛法僧 何人有眼目
入於嶮路行 何人得善提 而欲作散亂

如斯有智人 必不行邪道 我寧上須彌
投身入大海 於此五欲塵 終不生染著
所有諸姝女 并及於眷屬 請王速將歸
於此勿义住 在家多過失 障蔽佛菩提
我捨於國城 及諸眷屬等 行詣於深山
修習清淨行 志求無上道

冠十一

七

爾時佛告尊者護國言彼福光太子處於寶
殿是諸童女圍遶侍從太子觀之深生厭離
於三威儀中行住坐時求斷一切煩惱於月
初八日於地而坐正意思惟離諸塵染作是
觀已於中夜時忽聞空中淨光天子讚佛讚
法及苾芻衆如是聞已身毛皆豎悲喜交并

合掌向空以頌問曰

虛空諸天大慈愍

發聲稱讚讚何人

我要歸依求出離

願樂聽聞為開演

爾時淨光天子於虛空中聞彼所問而為太子說所讚事以頌答曰

我今稱讚大沙門

彼佛名曰成義意

常以十善化羣迷

救濟孤獨諸有苦

方便智慧最為上

功德神力無有比

常有十千那由他

苾芻之眾恒恭敬

太子復問淨光天

有何功德及相好

彼佛所行菩提行

重為宣說我樂聞

爾時淨光天子復為太子說佛功德相好以

頌答曰

佛頂如須彌

出眾而高顯

螺髮而紺青

右旋俱齊整

眉間白毫光

照耀如千日

目紺淨分明

猶如青蓮葉

頷臆如師子

唇色勝頻婆

齒密無缺減

白類如珂雪

臍輪廣右旋

如淨頗黎寶

舌色如紅蓮

廣長而薄淨

舒展覆面輪

此相最微妙

梵音而清響

美妙出世間

一切諸天人

聞者皆歡喜

假使百千樂

莫等佛音聲

功德廣無邊

能斷眾生惑

令行菩提行

復次諸飛鳥

名曰緊那囉

鴛鴦俱枳羅

縛哩呬拏鷄

具妙俱拏羅

迦陵頻伽等

各有色相嚴

佛相好亦然

佛以一言辭

隨眾各得解

近遠平等聞

如來法自在

項頸長細妙

量等於身分

臂膊而臚圍

垂手過於膝

如是妙端嚴

七處皆平滿

雙肱如象鼻

兩脇勝鹿王

陰相而藏隱

猶如龍馬王

身毛紺右旋

無畏如師子

佛頂如天蓋

嚴飾金色身

行步同牛王

足現千輻輪

莎悉帝迦相

如是廣端嚴

世間甚希有

汝今若親近

有德與無德

有福及無福

一一自當知

若有稱佛名

讚毀俱不著

如蓮在水中

淤泥不可染

我佛大導師

世間無有上

冠十一

八

佛說護國尊者所問大乘經卷第三
佛說護國尊者所問大乘經卷第四

西天譯經三藏朝散大夫試鴻臚卿傳法大師臣施護奉詔譯

佛告尊者護國言。爾時福光太子聞虛空中淨光天子讚佛法僧無量功德相好莊嚴之事。心大歡喜。正意繫心端坐。思惟彼佛世尊具足功德所說

妙法真實無謬。聲聞弟子梵行清白。又復思惟輪迴大苦。一切眾生愚癡障蔽。不覺不知。常以身見起諸惑。深廣增過。失生死輪迴相續不絕。諸有智者。應當遠離。又復思惟愚癡迷暗。起三種思動發。身語造善惡業。熏識成種。如是名色六入觸受苦報相續。愛取纏潤。增長有支。如是結生老死。誰免

我觀生死少味多苦。逼迫身心。是可厭患。速宜親近。彼佛如來微妙之法。斷諸煩惱。求出輪迴。若近惡友。耽著欲樂。人天之報。尚不能得。何況阿耨多羅三藐三菩提。爾時福光太子。作是念。已於此宮城深生厭離。我今於此終不解脫。宜應速捨別求靜處。修習梵行。時彼太子發此志已。即便離殿。欲

冠十一

九

往門出。又慮親眷而為留難。遂却上殿面東而立。造告佛曰。成義如來。應正等覺。具一切智神。力廣大。願賜慈悲救護於我。我於此處擲身出外。欲求解脫。作是語已。即便擲身。佛以神足舒其右手。放大光明。照太子身。其光化為千葉蓮華。承太子足。又此蓮華復出百千微妙光明。照於太子。令心適悅。經須臾間

將至佛前。佛攝光明。蓮華不現。

爾時太子如山而下。即到佛前。合掌恭敬。旋遶世尊。志心稱念。南無成義。意如來。應正等覺。所說妙法。及苾芻眾。我悉歸依。作是語已。五體投地。禮佛千拜。即以伽陀讚歎佛曰。誓首無上大醫王。我身大患久未除。

願佛慈悲垂救度。少賜如來妙法藥。晝夜獨坐自思惟。一心求離五欲境。空界天人發聲言。勸導歸依來佛所。佛為出世大導師。何得眾生造過失。於大難中垂救護。令彼盲迷開智眼。我今雖發信佛心。貧乏如來功德寶。